



Die WAPAD

STUDENTEBLAD

van die

P.U. vir C.H.O.

DEEL VI.

26 Oktober, 1951.

No. 10.

Algemene Studentevergadering Kroon van Jaar se Werkzaamhede S.R.-Voorsitter Lewer Skit- terende Jaarverslag

Uitstaande Penningmeestersverslag

Die laaste algemene studentevergadering het op 24 September 1951 in die Hoofgebousaal plaasgevind. Die penningmeester is groot lof toegeswaai vir sy verslag. Een van die hoogtepunte is bereik met die jaarverslag van die aftredende S.R.-voorsitter, mnr. B. Spoelstra. Raadsmedalje is deur mnr. B. Spoelstra en mej. L. van Rooy verower. Verskeie bekere is toegeken.

'n Groot getal studente het die laaste algemene studentevergadering op 24 September bygewoon. Hierdie vergadering was dan ook 'n hoogtepunt van die jaar se werksaamhede.

PENNINGMEESTERSVERSLAG

Mnr. J. H. van Niekerk het met 'n eersterangs verrassing voor die dag gekom deur die aankondiging van 'n batige saldo van £179 9s. Bedrae van W.T.R.U. en die Dalrymple moet nog inkom. Verneem word dat by die orname van die penningmeesterspos die finansies van die S.R. in 'n haglike posisie was en daarom het die Voorsitter vermeld dat „dit een van die beste verslae is wat nog hier gehoor is, 'n absolute uitstaande penningmeestersverslag.”

JAARVERSLAG.

Met 'n 37-minute lange jaarverslag het mnr. B. Spoelstra daarna aan die woord gekom. Dit is vir my 'n eer en genoë om hierdie eerste jaarverslag van die P.U. vir C.H.O. aan u voor te lê, het hy begin. „Dié werk wat u gelewer het, getuig dat dit die status van 'n selfstandige universiteit waardig is, en op geen terrein het u as studente vir enige ander soortgelyke inrigting in ons land teruggestaan nie.”

Mnr. Spoelstra het met groot lof van die werksaamhede van die verskillende klubs en verenigings gepraat. Uitstaande prestasies is op alle gebiede deur Korps, A.S.B., A.B.K.K. en sport gelewer.

„Almal het getoon dat meer as ooit tevore, die Gideonse van die P.U. vir C.H.O. met sy prestasies gekom het om te bly in die kring van onafhanklike universiteite in ons land!”

Voorts het hy alle voorsitters en kapteine met hulle besture bedank en gelukgewens met hulle liefdesdiens.

Mnr. Spoelstra het op groot

hoogtepunte gewys wat gedurende die jaar bereik is; wat die Dalrymple betref het P.U. die 4de posisie onder die 8 kompeterende Universiteite ingeneem. Die Theos. het die uitklop-kompetisie gewen en so die Blaine-trofee vir die tweede agtereenvolgende jaar verower. Weereens was dit die eerstepan van P.U. wat daarin geslaag het om die Oxford-Cambridge-span die loef af te steek. 'n Soortgelyke prestasie is deur die P.U.-Alabama Studenteorkes behaal met hulle unieke toer deur Noord-Transvaal, die Rhodesië en Belgies-Kongo. In sy gelukwensings het die Voorsitter dan ook weer 'n spesiale woord van dank aan mnr. A. Meyer met sy voetbalspan en mnr. J.H. Booyens en W. Eloff met hulle medestanders gerig en daardeur te kenne gegee dat dit uitstaande hoogtepunte van die jaar is.

STUDENTERAAD.

Om in detaille op die geweldige administratiewe en koördinerende werksaamheid van die Studenteraad in te gaan, sou 'n saak van onmoontlikheid wees, het mnr. Spoelstra verklaar, toe hy aan die vergadering enkele besondere werksaamhede slegs kursories aangestip het. Die volgende sake is genoem:

Verhouding met P.O.K.: Die Studenteraad het 'n deeglike studie van hierdie hele aangeleentheid gemaak, aldus die Voorsitter, en die S.R. het tot die oortuiging gekom dat eenheid en samewerking alleen binne die universitêre terrein daargestel kan word.

Wat die saak van finansies betref is gewys dat die S.R. onophoudelik gepoog het om die owerhede te oortuig dat alle studente S.R.-foeie moet betaal en as Universiteitsstudente beskou moet word. Uit onderhandelings wat met die Senaat aan die gang is, skyn dit asof volgende jaar

groot finansiële verligting vir die S.R. sal bring.

Deur die verkryging van 'n deeltydse sekretaresse sal alle administrasie nou gesentraliseer kan word.

In sy gelukwensings en bedankings het mnr. Spoelstra die name genoem van mnr. W. J. de Klerk met sy leiding as President van die Uniale A.S.B. en mej. L. van Rooy met haar aanbeveling vir die Raadsmedalje. Ook het hy sy dank aan die Studenteraad betuig vir hulle hartlike samewerking.

Mnr. Spoelstra het sy verslag afgesluit met 'n bedanking vir die lojale ondersteuning van die studente en met die woorde afgesluit: „Laat ons dan aan die einde van hierdie jaar ons ootmoedige dank toebring aan die Here, ons God. Die hele jaar getuig van Sy seënende Hand oor ons inrigting. Mag Hy ons voortleel en sterk in ons heerlike leuse. Mag Hy die werke van ons sande bevestig—Sy Naam ter Ere!”

DANK AAN VOORSITTER.

Die ondervoorsitter, mnr. Piet Venter, het mnr. Spoelstra bedank vir sy bekwame leiding en hom gelukgewens met die verowering van die Raadsmedalje. Ook het hy sy dank aan die studente uitgespreek vir hulle bereidwillige hulp ten alle tye.

SPORTBREKERS.

By dieselfde geleentheid is die Corrie van Rooy-beker aan mej. T. Struwig en die de Klerk-beker aan mnr. W. C. J. Bring oorhandig. Die Voorsitter het 'n spesiale woord van gelukwensing aan genoemde persone oorgebring. Hy het hom soos volg uitgelaat: „Afgesien van haar hoë prestasies het Thesia die beker verder verdien deur haar onbesproke voorbeeld, haar innemende optrede en ewewigtige temperament. Wat mnr. Brink betref—ons ken hom as die stille en kragtige werker—op die sportveld en daarbuite—'n navolgingswaardige voorbeeld. Van harte geluk!”

NUWE S.R.-VOORSITTER.

Die nuutverkose voorsitter, mnr. J. Ligthelm het daarna die stoel ingeneem en mnr. Spoelstra grondig bedank vir die bekwame leiding gedurende die jaar. Hy het die hoop uitgespreek dat hy dieselfde mate van ondersteuning van almal sal verkry as wat die aftredende voorsitter gekry het.

Mnr. Spoelstra het die verrigtings daarna met 'n gebed afgesluit.



B. Spoelstra (Voors. 1951); J. Ligthelm (Voors. 1952); S. v.d. Merwe (Skr. 1951); P. Pelser, (Skr. 1952).

Universiteit Verslaan Normaal in Blaine-Finaal

Pukke Waardige Houers vir Tweede Agtereenvolgende Jaar

In die eerste jaar as onafhanklike Universiteit, het die P.U. se eerste span Woensdag 'n kroon op sy voetbalsukses van die 1951-seisoen geplaas deur Normaal in die eindwedstryd vir die Blaine met ses punte ('n strafskop en 'n skepskop) teen drie ('n strafskop) te klop.

Die Pukke het hulle oorwinning terdeë verdien, veral as in aanmerking geneem word dat die kerele 'n paar maal so byna-byna die doellyn gehaal het.

DIE SPELERS.

Hoewel Hasie al beter wedstryde gespeel het, was hy nogtans baie veilig en altyd op sy pos. Die vleuels, Steyn en Schwellnus, het nie baie kans gehad nie, maar van die wat hulle gekry het, het hulle gebruik gemaak. Piet en Brink was op senter een te veel vir die opponente met hulle kort skoppies. Die Normaliete het seker nooit kon dink dat hulle so tot vervelens toe met hulle eie skop-en-hardloop taktiek terugbetaal gaan word nie.

ALMAL TIERE.

„Van“ was dié man in die agterlyn. Hy het oordeelkundig geskop en sy agterlyn pragtig weggestuur. Sy perfekte pypkan en breekslag net daarna, sal seker nog lank onthou word.

Platbos, siek of te nie, het met sy gewone bestendige spel agter die skrum voor die dag gekom en boonop met 'n lang strafskop die laaste spyker in Normaal se doodskis geslaan.

Onder die voorspelers was almal doenig. Styger het goed

gebruik en met sy twee kantmanne, Hoppie en Org Rantenbach, was hulle woelig in die los. Alwyn en Chris Beyers was uitstaande in die lynstane en Claassen kon nie veel teen hulle uitrig nie.

Die drie losvoorspelers was baie bedrywig. Prinsloo kan hier veral genoem word. Hy was letterlik orals op die veld. Piet Pelser het feitlik die hele wedstryd met 'n gebreekte beentjie in sy hand gespeel en Zoeloe het oulik gedek agter sy agterlyn.

In kort gestel, die hele span was tiere!

DIE SPEL.

In die eerste kwartier van die spel het die Pukke baie swaar geleef. Sommer vroeg is Van Aardt dwarsdeur. Toe Hasie hom voorkeer, gee hy 'n kort skoppie en een van die Pukke is net betyds om dood te druk.

Normaal bly egter op die aanval en die Theosspelers moet net spook om hulle van die doellyn af weg te hou.

Toe die P.U. egter weer die bal (Vervolg op bladsy 4).

TX MODISTE

Ons Uitstaande Winterreeks
kom nou aan!

Kostuums, Jasse en
Gebreide Stukke

Cardigans, Oortrekkers, Bolero's,
Jerkins en Angora-drag.

„Lottie” en Paryse Hoede

I. GLASER

Kerkstraat 83.

Die beste vir
**OMEGA - HORLOSIES
EN VERLOOFRINGE**

Diens en Waarde is ons Leuse.

Foon 218. Bus 248.
POTCHEFSTROOM.

PARKER & CO.

(Pty.) Ltd.

**GENERAL HARDWARE
MERCHANTS**

Phone 30, Potchefstroom, Box 245.

Irrigation Machinery and Plants
Supplied and Erected.

Workmanship Guaranteed!

Farm Implements and Spares,
Tools for all Tradesmen, Arms
and Ammunition, Fishing Tackle,
Kitchen Utensils, etc., etc.

TOETS JOU OE

by

M. SINGER

F.S.M.C., F.B.D.A. (Londen)

OOGARTS

by die

MOOIRIVIER APTEEK

KERKSTRAAT 155,
Foon 380 POTCHEFSTROOM.

LUCILLE DIE ROK
SPESIALIS
Altyd eerste met die Jongste.

Foon 62.

Kerkstraat 146,
POTCHEFSTROOM.

KOM SIEN ONS—

vir u

Fotografiese- en
Aptekersbenodigdhede

GEEN & VELLEMAN,

KING EDWARDSTRAAT,
POTCHEFSTROOM.

'n Nuwe Ampstermyn Wag**Hou Koers!**

Weereens staan ons aan die begin van 'n nuwe tydperk. As ons terugkyk na die verlede sien ons agter ons die studentelewe van die P.U.K. vir C.H.O. Dit is nie die laaste nie. Die eerste jaar van die studentelewe van die Potchefstroomse Universiteit is ook reeds verby.

Laat ons, ons egter nie blind staar in die verlede nie, maar besef dat 'n nuwe ampstermyn voorlê. Deur die eerste Studenteraad en Studenteorganisasies van ons Universiteit is daar fundamente gelê. Dit is ons plig as hulle opvolgers om daarop voort te bou. Vergun my dan ook 'n woord van hartlike dank aan die Studenteraad van 1951. Hulle het vir ons die pad aangewys, hoe om 'n Studentegemeenskap te lei, ge-

trou aan ons beginsel.

As Studenteraad van 1952 is dit ons ernstige voorneme om altyd die beste aan u te gee. Ons sukses is ook u sukses. Ons weet dat die verskillende klubs en verenigings hulle beste sal lewer, want sonder u ywer kan ons ook geen sukses behaal nie.

Mag daar 'n jaar van vrugbare werksaamhede voorlê. Elke persoon in die studentegemeenskap moet van voorneme wees om sy plig te doen in die studentelewe. Ons moet altyd gereed wees om te dien, dan sal ons, ons kan verheug in hoogstaande resultate wat bereik is.

J. LIGTHELM,
(Voorsiter-S.R.).

'n Terugblik**'n Persoonlike
Afskeidsgroet**

Op die 24ste September het ons dan gekom aan die einde van die dienstermyn van die Studenteraad van 1951. As ons by die einde van ons werksaamhede 'n blik laat dwaal oor die afgelope diensjaar, bemerk ons dat dit 'n jaar van woelinge en uiterstes gewees het.

Ons het die jaar begin langs die oopgraf van ons geliefde Rektor, wyle Dr. F. Postma. Dit was oomblikke van diepe teneergeslaenheid en 'n besef van menslike nietigheid.

Na mate die jaar egter voortgeskrei het, het ons egter ook weer die berghoogtes betree saam met ons inrigting, wat die status van 'n onafhanklike Christelike Universiteit, die enigste van sy soort in Afrika, verkry het. Dit was weer oomblikke van intense vreugde en dankbaarheid, omdat ons daarin die seënende hand van die Here oor 'n bepaalde beginselstrewende aanskou het!

Hoewel die jaar dus gekenmerk was deur geweldige bedrywighede,

en ons dit in meer as en opsig as 'n besonder drukke jaar kan bestempel—ons dink maar aan vier intervarsities, 'n plaaslike Dalrymple, die stigting van nuwe klubs en verenigings, die aanpassing by 'n nuwe onafhanklike status—kan ons tog, sonder vrees vir teëspraak, beweer dat dit 'n geslaagde jaar was.

Ons studentelewe vertoon 'n gedissiplineerde, aktiewe en kerngesonde doelstrewende. Derhalwe kan pragtige prestasies dan ook nie uitbly nie! In die jaarverslag het ons reeds die geleentheid gehad om hierdie gedagtes aan feite vas te knoop.

As voorsiter van die Studenteraad vir 1951 wens ek dan in hierdie afskeidsgroet aan die studentegemeenskap, nogeens my hartlike gelukwensing en dank te betuig vir die pragtige wyse waarop die studente van die P.U. vir C.H.O. hulle op alle terreine laat geld het in belang van ons Alma Mater en sy strewende! Insonder wens ek die dames en here Studenteraadslede verder uit te sonder vir hulle lojale en besielende ondersteuning! Mag studenteraad en studentegemeenskap steeds so kragtig-gekonsolideerd voortarbeid ter bevordering van ons heerlike leuse op alle ter-

(Vervolg kolom 5).

**DIE NUUTSTE ONTWERPE.
MODE SE HOOGSTE PUNT.**

ENKEL-LISSIE
DAMESSKOENE
vanaf 29/6

EDWORKS

(1936) Beperk.

Kerkstraat, Potchefstroom
DURENDE GEMAK.

Ondersteun 'n Oud-P.U.Kaner

J. P. V.D. WALT,

L.F.V.

KERKSTRAAT 111
(Langs Ackermans)

Foon 929,
POTCHEFSTROOM.

Ek voorsien ALLES wat van 'n Aptek verlang word.

**NATUURLIK-
GOLWENDE
HARE**

gee u natuurlike skoonheid!
MEJ. **R. GLAESER**

Dames Skoonheidsalon

Kerkstraat 157. Foon 366.

**W. J. SPAVINS
EN SEUN**

VIR ALLE

Elektriese Benodigdhede
Draadlose, Koelkaste.

Kerkstraat 65,
POTCHEFSTROOM.

Die Wapad.

26 Oktober, 1951.

Offisiële Studentekoerant van die P.U. vir C.H.O.

REDAKSIE.

Hoofredakteur: J. P. COETZEE.

Adm. Voorsitter: F. BOTHMA.

Sub-Redakteurs:

Nuus: C. J. MALAN.

Kuns en Wetenskap: J. H. BOOYENS.

Sosiale Aangeleentheid: MEJ. B. KRUGER.

Sport: D. v.d. SPUY en MEJ. A. PRETORIUS.

Varia: W. J. J. VAN VUUREN.

Fotografie: F. BOTHA.

Tegnies: J. HERSELMAN en J. v. ROOY.

**NUWE S.R.-VOORSITTER NEEM
STOEL IN.****ADMINISTRATIEWE POSTE GEVUL.**

Op die laaste algemene studentevergadering is mnr. Johan Ligthelm as S.R.-voorsitter vir 1952 gekies. Mnr. V. E. d'Assonville is as ondervoorsitter gekies. Mnr. J. H. v. Niekerk beklee weereens die penningmeesterspos en mnr. P. Pelser is studenteraadsekretaris.

Hierdie feite is aan die lig gebring op 'n algemene studentevergadering wat ou 24 September 1951 in die Hoofgeboussaal plaasgevind het.

Terwyl dis onder-voorsitter besig was om die lys van stemgeregtigdes voor te lees, het die nege gekose S.R.-lede die saal verlaat om persone vir die poste van sekretaris en penningmeester te nomineer. Vir die pos van sekretaris is mnr. P. Pelser en J. Visser genomineer en die tweetal vir penningmeester was mnr. J. H. v. Niekerk en S. J. Bothma.

Onder luide toejuiging is aangekondig dat mnr. P. Pelser en mnr. J.H. v. Niekerk deur die massa gekies is.

Onderwyl vertrekkende studente 'n paar woorde van bedanking gerig het, het die volle Studenteraad weereens die saal verlaat en as tweetal vir voorsitterskap mnr. J. Ligthelm en V. E. d'Assonville genomineer. Onder daverende applous is mnr. J. Ligthelm as S.R.-voorsitter verkose verklaar.

NEEM STOEL IN.

Mnr. Ligthelm het vervolgens die stoel ingeneem en sy hartlike

dank aan die aftredende voorsitter, mnr. Spoelstra, uitgespreek vir sy navolgenswaardige voorbeeld en bekwame leiding. Hy het die hoop uitgespreek dat hy dieselfde lojale ondersteuning sal kry as wat sy voorganger te beurt geval het.

**ALGEMENE OOREEN-
STEMMING.**

Daar heers algemene ooreenstemming dat mnr. Ligthelm die bekwaamste man is om die verantwoordelike leiding te aanvaar. Mnr. Ligthelm het hom deeglik in die studentelewe ingegrawe en sy pligte nougeset nagekom. In 1950 was hy S.R.-sekretaris en is as sodanig goed op hoogte met die administratiewe werksaamhede van die S.R. Hy het twee jaar lank op die S.R. gedien, op verskeie kommissies diens gedoen en ook leiding op ander gebiede van die studentelewe geneem.

In die persoon van die ondervoorsitter, mnr. V. E. d'Assonville het mnr. Ligthelm 'n werklike krag op die gebied van inter-universitêre verhoudinge. Mnr. d'Assonville het jarelange diens as bestuurslid van A.S.B. agter die rug.

(Vervolg van kolom 3).

reine—ook in die volkslewe, as as ons van hier sal uitgaan!

'n Ander Studenteraad staan tans gereed om u verder te lei—ons wens u van harte geluk met u keuse! Mag u aan hulle dieselfde lojale en besielende ondergrond bied, as wat ons deel was!

Met heimwee en dank neem ons van u afskeid. Ons dank die Here vir wat ons kon doen! Mag Hy wat ook ons as nietige instrumente gebruik het, bevestig wat goed gedoen is en vergeef en vervolmaak wat swak is!

Ons roep u 'n hartlike vaarwel toe, met 'n vaste vertrouwe en geloof vir die toekoms, want

„In U Lig sien ons Die Lig!”

B. SPOELSTRA.

J. N. J. Kritzinger**FOTOGRAAF**

ROYAL HOTEL-GEBOU,
Kerkstraat 84, Telefoon 455,
Potchefstroom.

AS U 'N FOTO WIL SKENK

kyk dan

EERS NA ONS FOTO'S

(in ons Ateljee, of by
tevrede P.U.Kaners).

Aanstellings deur Nuwe S.R. reeds Gemaak.

Die nuutgekose S.R. vir 1952 het op 26 September 1951 vergader. Anstellings vir die verskillende poste is reeds deur die S.R. gemaak.

Na verneem word het die nuwe S.R. onder leiding van mnr. J. Ligthelm hulle eerste werksvergadering reeds agter die rug. Die aanstellings vir die verskillende poste is nou reeds gemaak sodat die betrokke persone hulle gedagtes solank aan die werk kan sit en, waar nodig, met die nodige organisasie kan begin.

Die volgende persone is benoem:

1. BESEMBOS.

Hoofred.: W. J. de Klerk.
Sakebest.: C. v.d. Spuy.

2. WAPAD.

Hoofred.: J. T. Herselman.
Sakebest.: F. Human.

3. PUKKIE.

Hoofred.: W. J. J. v. Vuuren.
Sakebest.: J. Bekker.

4. GESELLIGHEIDSKOMITEE.

Voors.: P. C. Kruger.

Mans.: F. A. Botha.
D. Erasmus (jnr.).
J. A. van Rooy.
I. C. J. Minnaar.

Dames: Mej. Loedolf.

S. Erasmus.
A. Horn.
T. Struwig.
R. Oosthuysen.

5. ARGIEF.

Argivaris: Paul Snyman.
Hulparg.: J. A. van Rooy.

6. VREUGDEDAG.

Leier: P. J. de Wet.
Onderleier: G. H. J. Kruger.
Skr.: S. J. Bothma.
Pgm.: W. v.d. Linde.

Verkiesings Goed van Stapel Groot Entoesiasme Geopenbaar

Die verkiesings vir die verskillende verenigings en sportklubs het op Maandag, 17 September, 'n aanvang geneem en Vrydag, 21 September geëindig. Groot entoesiasme is geopenbaar.

Na verneem word het die verkiesings vanjaar weereens baie goed verloop. Vanaf die samestelling van die Jukskeibestuur op Maandag 17 September tot op die verkiesing van die bestuurslede van Korps V.V., Vrydag 21 Sept. is groot belangstelling en entoesiasme geopenbaar.

Hieronder verskyn die name van die gekose persone vir die verskillende verenigings en klubs:—

1. S.S.B.

a) **JUKSKEI:**
Kapt.—L. J. Potgieter.
O.-kapte.—Mej. S. G. Hatting.
Skr./Pgm.—J. A. Jooste.
Add. lede.—Mej. R. Oosthuizen.
J. T. Herselman.

b) **KRIEKET:**
Kapt.—H. S. J. Muller.
Onderkapt.—P. J. de Wet.
Skr.—D. F. Erasmus.
Pgm.—D. v.d. Spuy.
Add. lid.—L. J. Potgieter.

c) **TENNIS:**
Kapt.—R. S. Buys.
O.-Kapte.—Mej. I. du Plessis.
Skr.—H. J. Coetzee.
Pgm.—J. P. Coetzee.
Add. lede.—Mej. E. v.d. Merwe.
B. J. Schutte.

d) **ATLETIEK:**
Ere-Pres.—Pro. D. P. J. Smith.
Voors.—Mnr. I. J. Joubert.
Kapt.—W. A. Nel.
O.-Kapt.—N. J. Snyman.
Skr.—J. S. K. Bosman.
Pgm.—Mej. C. C. Loedolf.
Add. lede.—S. P. Lombard.
Mej. I. du Plessis.

e) **KORFBAL:**
Kapte.—Mej. T. Snyman.
On.-Kapte.—Mej. I. du Plessis.
Skr.—Mej. C. Jordaan.
Pgm.—Mej. I. de Villiers.
Add. lid.—Mej. C. du Preez.

f) **BOKS EN STOEI:**
Kapt.—W. Krös.
On.-Kapt.—P. J. Snyman.
Pgm.—W. J. Maritz.
Add. lid.—J. S. M. Venter.

g) **MANSHOKKIE:**
Kapt.—P. J. de Wet.
On.-Kapt.—J. Ligthelm.
Skr.—H. Haarhoff.
Pgm.—P. van Wyk.
Add. lid.—P. C. Kruger.

h) DAMESHOKKIE:

Kapte.—Mej. I. du Plessis.
On.-Kapte.—Mej. C. C. Loedolf
Skr.—Mej. C. v.d. Berg.
Pgm.—Mej. S. v. Schouenburg.
Add. lid.—Mej. M. J. Lombard
Mej. A. Horn.

i) BOFBAL:

Kapt.—A. M. Fivaz.
O.-Kapt.—J. S. K. Bosman.
Skr.—A. J. v.d. Linde.
Pgm.—B. J. Schutte.
Add. lid.—J. R. Prinsloo.

j) VOETBAL:

Ere-Pres.—Mnr. S. du Toit.
Voors.—dr. I. Fourie.
V.-Voors.—dr. W. A. Joubert.
Kapt.—J. I. Styger.
O.-Kapt.—J. R. Prinsloo.
Skr.—G. H. J. Kruger.
Pgm.—S. P. Lombard.
Add. lid.—J. H. v. Niekerk.

2. A.B.K.K.

a) **TONEEL:**
Voors.—D. F. Erasmus.
O.-Voors.—C. J. L. Coetzee.
Skr.—J. J. Henning.
Pgm.—L. K. van Gass.
Add. lede.—Mej. T. Liebenberg.
R. S. Buys.
F.A.T.S.A. vert.—J. C. Potgieter

b) **DEBAT:**
Voors.—W. J. J. du Plessis.
O.-Voors.—J. Ligthelm.
Skr.—Mej. C. du Preez.
Add. lede.—J. L. Helberg.
Mej. E. E. Breedt.

c) **ALABAMA:**
Voors.—P. C. Snyman.
O.-Voors.—J. T. Herselman.
Skr.—G. S. Swanepoel.
Pgm.—S. P. Lombard.
Add. lede.—Mej. E. E. Breedt.
W. P. A. Venter

d) **SKAAK:**
Voors.—P. C. Kruger.
Ondervoors.—F. Lion Cachet.
Skr.—T. v.d. Walt.
Pgm.—I. C. J. Minnaar.
Add. lid.—Mej. T. Struwig.

3. A.S.B.

Voors.—J. Ligthelm.
O.-Voors.—J. P. Coetzee.
Skr.—J. Visser.
Pgm.—W. P. v.d. Linde.
(Vervolg volgende kolom).

'N JAAR IS VERBY.

Wanneer mens aan die einde van 'n tydperk van werksaamhede kom, is dit die „gewoonte” om eers om te draai en terug te kyk na wat gedoen is, en om dan weer voort te gaan die toekoms in, om nog 'n stuk van die lewenspad af te lê.

Om te voorkom dat hierdie „gewoonte” nie ontaard in 'n niks-seggende belaglikheid nie is dit daarom nodig om by die terugblik met 'n kritiese oog die verlede te besien. Dit help niks om foute wat gemaak is te wil verdoof in die skerp glans van die sukses wat behaal is nie. Dit help ook niks om wel die foute raak te sien en dan nie moeite te doen om sulke dinge in die toekoms te vermy nie. 'n Kritiese beskouing van die verlede is dus noodsaaklik vir vooruitgang in die toekoms.

Oor die toekoms kan mens op die hede nog net bespiegelinge koester. Maar dit help niks as hierdie bespiegelinge nie gepaard gaan met die vaste voorneme om, wat die toekoms ookal mag bring, met alle mag jou werk en jou plig goed te doen nie.

REDAKSIONEEL.

Hiermee verkyn die laaste uitgawe van „Die Wapad” vir vanjaar. Die Redaksie hoop dat die blad wat uitgegee is, so goed as wat onder omstandighede moontlik was, aan die vereistes van 'n Studenteblad kon voldoen.

Mag „Die Wapad” as mondstuk van die studentegemeenskap aan die Potchefstroomse Universiteit, steeds van krag tot krag gaan, en 'n waardige mededraer van ons gees wees. Want een van die plekke waar die studentegees uitkristaliseer, is in sy studentepublikasies.

(Vervolg van vorige kolom).

Add. lede: C. J. Malan.
W. J. J. du Plessis.
Mej. L. Webb.
Mej. C. du Preez.
Org.—D. F. Erasmus (jnr.)
Voors.—P. J. W. Louw.
O.-Voors.—V. E. d'Assonville.
Skr.—P. C. Kruger.
Pgm.—J. A. Jooste.
Add. lede—J. L. Helberg.
J. P. Coetzee.
Mej. T. Snyman.

SAMESTELLING S.S.B.

Voors.—J. I. Styger.
O.-Voors.—L. J. Potgieter.
Skr.—A. M. Fivaz.

SAMESTELLING A.B.K.K.:

Voors.—D. F. Erasmus (snr.)
O.-Voors.—C. J. L. Coetzee.
Skr.—F. Lion Cachet.
Pgm.—P. C. Snyman.

STUDENTERAADSLEDE:

S.S.B.: J. I. Styger.
L. J. Potgieter.
A.S.B.: J. Ligthelm.
C. J. Malan.
A.B.K.K.: D. F. Erasmus (snr)
Mej. C. du Preez.
Korps V.V.: P. J. W. Louw.
Mej. T. Snyman.
V. E. d'Assonville.

STUDENTERAAD—1952.

J. Ligthelm (Voors.)
V. E. d'Assonville (Onderv.)
P. Pelsler (sekr.)
J. H. van Niekerk (Pgm.)
J. I. Styger.
L. J. Potgieter.
D. F. Erasmus (snr.)
Mej. C. du Preez.
P. J. W. Louw.
Mej. T. Snyman.
C. J. Malan.

KONSEP-EREKLEUR-REGLEMENT.

Naas die sportlewe sal aan studente wat 'n hoogstaande prestasie lewer op geestlike terrein erekleure toegelken word, onderworpe aan die volgende reglemente:

Art. I. Die baadjie sal welonderskeie wees van die sportbaadjie en bestaan uit 'n oud-studentebaadjie omsom met 'n koord wat daarby sal pas, 'n versierde wapen en onderaan die wapen 'n strokie om die besondere terrein aan te dui (die strokie sal gevolglik een van die volgende woorde bevat: verenigings, wetenskap of kuns).

Art. II: GEBIED.

Vir bg. onderskeidingskleure sal op tweërlei gebied gelet word:

A. Kultureel.

Art. III. TOEKENNING.

A. Hierdie onderskeidingsteken word jaarliks aan die einde van die jaar deur die S.R. toegeken met dien verstande dat die onderliggame langs die konstitusionele bane aanbevelings by die S.R. kan doen.

B. Die S.R. sal daarop let dat jaarliks 'n beperkte aantal sodanige kleure toegestaan word so (Vervolg op bladsy 4).

INGRAM SE BOTTELSTOOR

INGEVOERDE

en

KOLONIALE
WYNsoORTE

en

SPIRITUALIEË

PRESIDENT
KAFEE

Kerkstraat 70.

...

vir die Beste

LIGTE ETES

en

VERVERSINGS.

BESTE GEHALTE MANSDRAG.

ELKE DAG VARS!

TURKSTRA SE
BAKKERY

BROOD en alle KOEKsoORTE

Raadpleeg ons vir

BRUIDSKOEKE

Drink en Geniet
S & S

Super Dilla

en

Super Orange

Sherr & Shakinovsky

AUTO LAAN

Foon 16

GILFILLAN EN
STROH

POTCHEFSTROOM.

FIETSE EN
FIETSREPARASIES

STUDENTE !!!

VIR AL U

Handboeke, Skryfbenodigdhede, Leertasse,
Geskenke, ens.

besoek ons en wees verseker van goeie diens.

UNIE-BOEKHANDEL (Edms.) Bpk

Kerkstraat 90.

Foon 497.

Spannende Unieskild-wedstryd

Die Pukke was besonder ongelukkig om die finale wedstryd om die Unie-skild te verloor met 1 punt. Die telling was 39—40 in Potgietersrust Hoërskool se guns.

Dit is werklik jammer, as in aanmerking-geneem word dat die span nie op volle sterkte was nie. Twee staatmakers nl. Cecelia Jordaan en Henriette Spoelstra kon weens siekte nie speel nie, terwyl Monica tenspyte van 'n griepaanval haar span moes lei.

Die wedstryd self was uiters spannend en aanskoulik. Die Potgietersrust span is self baie goed en die Pukke het geweet hulle moes hard speel. Die spel was baie vinnig en elke beweging het getel. Met rustyd was P.U. met vier punte voor. Hierna was dit 'n baie gelyke stryd en het die spanne kop aan kop geloop. Enkele minute voor die eindfluitjie het Potgietersrust hulle laaste punte aangeteken terwyl P.U. net hierna ongelukkig was met die laaste bal. Die eindtelling was dus: P.U. 39, Potgietersrust 40.

Spelers wat skitterend vertoon het was Thresia Snyman, Ize-

brandt de Villiers en Heleen Schutte.

Die Korfbalspan kan werklik gelukkig word met hulle skitterende prestasies van hierdie jaar. Tenspyte van terugslae het die Korfbal omtrent alles wat daar moontlik te verower was huistoe gebring. Ons kan net kortliks noem:

- (1) Beker vir beste span met korfbaldag.
- (2) Mercia-beker.
- (3) Kempen-beker vir West-Transvaal span wat inkom vir die Unie-skild.
- (4) Suid-Transvaal-beker vir beste span in Suide.
- (5) Oswald Field-skild vir die span wat in die finale wedstryd nie die Unie-skild verower nie.

(Vervolg van bladsy 1).

hak, bring Piet hulle op die aanval met 'n lang buiteskop. In die beweging net daarna skop Brink oor sy opponente se agterlyn en Piet is amper deur. P.O.K. kom egter terug op die aanval. Britz probeer 'n skepskop, maar dit trek heeltmaal skeef. Net voor rustyd slaag Claassen met 'n lang strafskop.

Net na rustyd word 'n strafskop aan die Pukke toegeken en Platbos maak geen fout met die moeilike skop nie. (3—3).

PYPKAN.

„Van” is nou aan die woord. Hy pypkan die hele Normaalgterlyn en breek dwarsdeur. Hy gee uit na Piet, Piet na Brink en hy na Prinsloo wat duime kort van die doellyn val. Daar word egter geskrum en Piet sit blitsvinnig 'n skepskop oor. (6—3).

Toe Normaalgterlyn in die P.U.-gebied kom, probeer Britz weer 'n skepskop. Die bal trek mooi, maar val net kort. Hasie ontvang en skop pragtig uit.

„Van” bring die Pukke weer op die aanval met 'n mooi breekslag. Eers misluk Piet met 'n skepskop en toe kon Platbos weer nie slaag met 'n strafskop nie.

Kort voor die einde breek die voorspelers dwarsdeur, maar ongelukkig gee hulle vorentoe aan na „Van” en met die doellyn oop voor hom, blaas die skeidsregter die eindfluitjie.

Ná die oorwinnings van die seisoen oor U.O.V.S., de Oxford-Cambridge span en die harde spel teen Tukkies, het die Pukke dus hierdie opwindende wedstryd ook gewen en pryk die groot Blaine-beker vir nog 'n jaar in Heimat se eet-saal!

Jukskei.

Die Universiteit se jukskeispan het in die laaste tydjie weer baie bedrywig geraak. Hulle kan met 'n pragtige oorwinning van 5—0 oor Garnisoen spog. Verder het 'n hele paar spelers deelgeneem toe die Potchefstroom-Wyksbond uitgespeel het vir die West-Transvaalse proewe. Vier van die P.U. spelers het dan ook daarin geslaag om te kwalifiseer vir die proefwedstryde wat binnekort afgespeel word. Hulle is: H. J. Schutte, L. Haasbroek, L. J. Potgieter en Koos Jooste.

S.R. Keur Konsep-Erekleur-Reglement Goed

Harde Werk van Kommissie Afgehandel

Die Studenteraad van 1951 het die konsep erekleur-reglement, wat deur 'n kommissie voorgelê is, goedgekeur. Hierdie reglement behels die toekenning van kulturele erekleure aan studente wat hoogstaande prestasie lewr op geestelike terrein.

Hierdie feite is op 'n onlangs gehoue S.R.-vergadering aan die lig gebring. Daar word verneem dat die toekenning en reglementering van kulturele erekleure die vrug is van maandelange arbeid. Die Studenteraad onder voorsitterskap van mnr. W. J. de Klerk het reeds met die nodige aanvoorkom begin en onder voorsitterskap van mnr. B. Spoelstra het dit die finale beslag gekry.

KULTURELE EREKLEUR-KOMMISSIE.
Hierdie hele aangeleentheid is, soos verneem, aan 'n kommissie, waarvan mnr. A. S. SMIT die sameseroeper was, opgedra. Ander lede was mej. L. van Rooy, mnr. J. Ligthelm, V. E. d'Assonville en C. Malan. Op 'n massavergadering is die erekleure saak te berde gebring waarop tweeërlei besluite geneem is:

a) dat oorgegaan sal word tot die toekenning van kulturele erekleure;
b) dat die baadjie wel onderskeie van die sportbaadjie en die gewone baadjie sal wees.

In die lig van hierdie gegewens het die kommissie 'n konsep reglement opgestel en dit aan die Studenteraad voorgelê. Die reglement is in toto aanvaar, slegs die detail-uitwerking van die versierde wapen is aan die nuwe S.R. oorgedra.

S.S.B. Hou Nabetrugting

Op die uiters gesellige S.S.B. geselligheid wat verlede Saterdag gehou is, het verskeie van die P.U. se sportprestasies vir die afgelope jaar weereens aan die lig gekom.

Eerstens was daar die skitterende prestasie van die eerste voetbalspan om die Blaine vir die tweede agtereenvolgende jaar te verower. Die Onder-19 span het ook hierdie jaar pragtig presteer. Hulle het Wits en U.O.V.S. se O.19 spanne kalfgedraf. As voorwedstryd vir die Stellenbosch-intervarsity, het hulle ook teen 'n O-19 van Normaalgterlyn gespeel en

ook sommer maklik klaargespeel met hulle. As hulle volgende Saterdag daarin kan slaag om Normaalgterlyn se 3C te wen, is hulle ook die wenners van die liga. Dan was daar natuurlik ook die skitterende prestasies van ons tennis-, jukskei-, hokkie- en korfbalspanne wat hoë lof verdien.



Waar u ook mag wees

Kommando

—die *gewildote*

Suid-Afrikaanse sigaret



(Vervolg van bladsy 3).

dat alleen uitstaande prestasies beloon word.

C. Hierdie toekenning kan ook van toepassing op oud-studente wees, sodat oud-studente wat in latere lewe uitstaande prestasies op bg. terreine lewer, erkenning van die kant van die Alma Mater ontvang.

D. Die persoon se lewe, karakter en prestasies moet suiwer en onbetwisbaar in ooreenstemming wees met die leuse en rigting van die P.U. vir C.H.O.

Art. IV. REGLEMENTE VIR EREKLEURE OP KULTURELE GEBIED.

A. Hieronder word verstaan uitstaande prestasies op die gebied van wetenskap en kuns.

i. Wetenskaplike prestasies is streng akademiese prestasies bv. verdienstelike navorsingswerk en ander wetenskaplike bydraes. Daar sal veral gelet word op verowering van besondere beurse of erkenning ens.

ii. Kunsprestasies is uitstaande talent-prestasie bv. op gebied van drama, voordrag, musiek, digkuns, beeldende kunste, prosa, skrywe ens. ens. Daar sal veral gelet word op erevermeldings van buite, uitslae van kunswedstryde ens.

B. By toekenning sal daar dui-

delik en onbetwisbaar bewys moet word dat dit 'n hoogstaande prestasie is.

C. Daar sal ook gelet word op die deelname en belangstelling wat die betrokke aspirant gehad het vir die studentelewe en die inrigting in die algemeen.

Art. V. REGLEMENT VIR EREKLEURE IN DIE VERENIGINGSLEWE.

A. Hieronder word verstaan dat die S.R. direk of op aanbeveling, hoogstaande dienste binne die verenigingslewe beloon.

B. Elke onderliggaam van die S.R. stel sy eie reglemente op waarbinne hulle aanbevelings doen.

C. Hier moet dubbeld seker gemaak word dat die gewone van die buitengewone hoë prestasie onderskei word. As handleiding moet op die volgende punte gelet word:

1. Gedrag entoesiasme, toewyding, pligsgetrouheid ens.
2. Leierskap, organisasie ens.
3. Besondere talente vir die verenigingslewe beskikbaar gestel.
4. Die duurte waarmee prestasies en belangstelling volgehou is.
5. Of die belangstelling en deelname ook ander terreine as die besondere raak.
6. Prestasies in breër kring bv. Interuniversitêr, volkslewe ens.

Beyers Claassen

M.N.Y.Inst.P. (V.S.A.)

FOTOGRAAF

KERKSTRAAT 41,

POTCHEFSTROOM.

„DIENS AAN DIE GOUE WESTE DEUR FOTOGRAFIE”